




本朝和州榮好

元亨釋書


釋榮好不知何許人居和州大安寺養老母於寺側
一童為役昔者七太寺不騰庫煙廨院備飯到午時
駕車入寺巡僧坊行之每人四升好受之分為四焉
一分奉母一分與童一分施行步一分自喫先令童
送母食待童返問曰我母食不對曰然然後下箸不
爾不啖



本朝智泉

秋書

釋智泉弘法大師之姪也性至孝母死哀毀甚乃祈
諸聖曰願知母氏之報數歲後感夢曰汝母墮地獄
泉益悲泣啓法曰所生母在地獄以何方便出彼苦
趣法曰修破地獄法必可拔矣泉曰願受焉法即授
地藏軌泉精修無比一夕夢母莊嚴美服告曰我依
汝救護今生天上矣



本朝高野山祈親

秋書

釋初親七歲喪父十三投興福寺學相宗偶省母疾
落髮母尋死自此持法華薦二親行年六十忽自念
言二親之間我只一子偏專愛憐報生苦樂恬不省
豈孝子之情乎便詣長谷寺期一七日索知持怙生
處感夢告至高野山初求如長谷一日忽淨眼根見
觀史內宮庭上有三莖蓮華菩薩各坐二花一花未
開親問曰是菩薩為誰對者曰此二大士汝父母也
是汝法華讀誦之感報也其不開之者汝當坐耳



本朝陽勝

叙書

釋陽勝姓紀氏能州人年十一登廬山師空日性慈
愍逢裸者脫與衣見飢人讓已食後居和州習仙方
辟穀食菜蔬遂謝世境勝父病瀕九死乃歎曰我有
多子所愛者只陽勝而已傳聞得仙若有仙通知我
意願一見之勝聞此事飛至舍上誦法華父曰誰乎
經音絕似陽勝家人出見不睹其形只聞其聲勝白
父曰我離父宅永去入寰孝思不違故來誦經又曰
每月十八燒香散花願待我我尋香煙而來誦經說
法報罔極矣語已經音絕




周福光寺道丕

宋高僧傳

輔教編

釋道丕長安人也。會其世之亂，負母逃於華陰山中。丐食以為養。父死，事而丕往求遺骸。既至而亂骨不辨。道丕即祝之，遽有觸髅躍至其前。丕前抱之，賁歸華陰。母夢夫歸，舍。



本朝磨山禪喜

釋書


釋禪喜姓藤氏洛城人也十六出家受戒天資至孝其母命終雕像置室傍茶果飯蔬先獻而後嘗



本朝信誓

釋書


釋信誓姓高氏學密教兼誦法華天下時疾誓及父
母染病夢五色鬼神駭逐而去一冥使曰誓持誦人
也不可將去覺病差還見父母屬體已冷誓悲泣誦
經訴曰三人一病共赴死門我今得蘇父母何亡二
人長往我生何為願憑法力蘇我特怙誦經一日夜
困夢之中法華第六卷從空而下背有文曰孝子誦
經還父母命覺見二屍吐氣蘇起



本朝三井證空

釈書

釋證空事三井智興人有病醫治不効時安晴明究陰陽術權死生柄其徒乞救晴明曰法師病不起而我有秘符若以人相與其方可試空獨謂為法捨身大士之常況貸師死我何遜乎便報安氏同侶無不嘆伏安氏施方興疾立愈空早受病身心惱逼空生平持不動尊此日非夢非覺明王告曰汝已代師取死我豈不換持者乎空感喜禮像熟見其像似有病質淚滴在眸應時空疾即痊



宋景德寺法雲

行業記

釋法雲字天瑞戈姓長州人住松江大覺寺環講衆
 經八年矣因母年邁思報親之恩遂謝事歸寧廬于
 祖墳傍



明寶林寺大同

明高僧傳

釋大同字一雲越之上虞王氏子性至孝恨蚤喪父
每至忌日必流涕不已養母純至非惟順色涼溫而
已必使心餐道味云

寛文十年庚戌秋九月

銅駝坊書林平樂寺

村上勘兵衛刊行



